



Äntwert vum Här Finanzminister Pierre Gramegna ob d'parlamentaresch Fro n°5318 vum 1. Dezember 2021 vum honorablen Députéierten Roy Reding iwwert d'Réglementéierung vun den Versécherungsgesellschaften zu Lëtzebuerg

Als éischt sief dorop higewisen, datt den letzebuenger Assurancensector sech an den leschten Joer weider gutt entwéckelt an d'Finanzplaz hier Roll als pan-europäeschen Zentrum weider gestärkt huet. Esou sinn d'Bilanzsommen vun den Assurancen an Re-Assurancen vun 182 Milliarden fir d'Joer 2013 op 312 Milliarden Enn 2020, d.h. ganzer +71% geklommen. Dës Stärkung vum Sektor spigelt sech och beim Emploi ërem. Haut beschäftegt den Sektor Ronn 4.500 Leit. 2013 woren et der 3.700.

D'Aféierung vun der Solvency II Directive huet eng eenheetlech Uwendung vu Standarden fir Risikomanagement, finanziell Bewäertungsmethoden a prudenziell Iwwerwaachung uechter Europa erméiglecht. Eenheetlech Reegelen sinn wichteg fir den Lëtzebuenger Versécherungssector, deen iwwer 80% vu sengen Aktivitéiten am Ausland realiséiert. Dëst huet och mat derzou bäigedroen, dass 12 Brittesch Versécherer nom Brexit hiren europäeschen Siège op Lëtzebuerg verlagert hunn.

Wei all Direktive, ass d'Solvency II Direktive op Europäeschem Niveau verhandelt ginn, wou d'lëtzebuenger Vertrieber d'Interessen vun der Finanzplaz an Zesummenaarbecht mat hiren europäeschen Partner verteidegt.

Des weideren ass de Finanzministere mat allen concerneierten Akteuren an engem regelméissegem Austausch, ennert annerem och fir dofir ze suergen, dass den nationalen Gesetzeskader um leschten Stand vun den Entwécklungen vum Marché ass.

Lëtzebuerg, den 05/01/2022

De Finanzminister

(s.) Pierre Gramegna